

Samkomulag um brunavarnir

Samningsaðilar og lögheimili rekstrarsamlags

1.gr.

Sveitarfélögin Vopnafjarðarhreppur, Fljótsdalshérað, Borgarfjarðarhreppur, Djúpavogshreppur og Fljótsdalshreppur gera með sér samkomulag um brunavarnir. Stofna skal sérstakt rekstrarsamlag með sjálfstæðri kennitölu. Lögheimili samlagsins verði á Fljótsdalshéraði.

Tilgangur og fyrirkomulag

2. gr.

Tilgangur samkomulags þessa er að auka samvinnu um brunavarnir á svæðinu og starfrækja sem fullkomnastar brunavarnir í hlutaðeigandi sveitarfélögum.

Slökkvistöðvar, ásamt slökkviliði, verða á Djúpavogi, Egilsstöðum, Borgarfirði og Vopnafirði með tilheyrandi búnaði sem uppfyllir þjónustukröfur sem sveitarfélögin ætlast til að slökkviliðin veiti samkvæmt kröfum í lögum um brunavarnir og brunamál.

Ráðinn skal einn slökkviliðsstjóri og einn aðstoðarslökkviliðsstjóri. Skulu þeir sjá um að skipuleggja og samhæfa alla þá starfsemi sem undir þetta samkomulag heyrir ásamt því að fylgja eftir menntun og þjálfun slökkviliðsmanna.

Lámarsfjöldi slökkviliðsmanna að slökkviliðsstjórum meðtöldum skal vera 42, og skulu staðsettir sem hér segir: Egilsstöðum 2 varðstjórar og 12 slökkviliðsmenn, Vopnafirði 2 varðstjórar og 10 slökkviliðsmenn, Borgarfirði eystri 2 varðstjórar og 4 slökkviliðsmenn og í Djúpavogshreppi 2 varðstjórar og 6 slökkviliðsmenn.

Slökkviliðsmenn eru boðaðir í neyðartilfellum í gegnum SMS boðkerfið hjá símanum. Öllum slökkviliðsmönnum skal skaffað símtæki og skulu þeir bera það allan sólarhringinn samkvæmt sérstökum samningi við slökkviliðsmenn.

Skipan stjórnar

3. gr.

Sveitarstjórnir sem hlut eiga að samningi þessum skulu hver fyrir sig skipa einn mann í stjórn rekstrarsamlagsins og skulu það vera framkvæmdastjórar sveitarfélaganna. Stjórn er heimilt að setja sérstaka brunamálanefnd um sérstök verkefni.

Hlutverk stjórnar

4. gr.

Hlutverk stjórnar er að hafa með höndum umsjón með rekstri brunavarna á samningssvæðinu og ráða slökkviliðs og aðstoðarslökkviliðsstjóra.

Ráðinn skal sérstakur aðili til þess að halda bókhald vegna rekstrarsamlagsins.

Hlutverk framkvæmdastjóra

5. gr.

Slökkviliðsstjóri er framkvæmdastjóri rekstrarsamlagsins og fer með yfirstjórn slökkviliðs í þeim sveitarfélögum sem aðild eiga að samkomulagi þessu þar með talið skipulag, umsjón með æfingum, þjálfun og eftirlit.

Slökkviliðsstjóri skal ásamt aðstoðarslökkviliðsstjóra annast skipulag og yfirstjórn brunavarna og leysa önnur þau verkefni er þeim er falið af stjórn samlagsins í samræmi við starfslýsingu .

Slökkviliðsstjóri ásamt aðstoðarslökkviliðsstjóra ræður slökkviliðsmenn í samráði við varðstjóra á hverjum stað.

Slökkviliðsstjóri sér um fjárreiður brunavarnanna og gerð fjárhagsáætlana yfir sameiginlegan rekstrarkostnað í samvinnu við stjórn. (Sjá nánar starfslýsingu.)

Slökkviliðsstjóri er ábyrgur fyrir búnaði og fasteignum og skal leggja fyrir stjórn, tillögur um fjárfestingar komandi árs, hjá hverju slökkviliði um sig, auk rökstuðnings. Hver sveitarstjórn fyrir sig greiðir kostnað vegna búnaðarkaupa og fjárfestinga.

Kostnaðarskipting, innheimta, kostnaðarviðmiðanir og uppgjör

6. gr.

Slökkviliðsstjóri leggur fyrir stjórn, tillögur að fjárhagsáætlun auk rökstuðnings sameiginlegs rekstrarkostnaðar brunavarnanna.

Kostnaðarskipting milli sveitarfélaganna tekur mið af íbúafjölda hvers sveitarfélags samvegið heildar fasteignamati innan þess. Miðað skal við íbúafjölda 1. desember árið á undan og fasteignamat 31. desember árið á undan.

Rekstur Slökkvistöðva og ábyrgð á búnaði

7.gr.

Sveitarstjórnirnar fjármagna sjálfar rekstur sinna slökkvistöðva að öðru leyti en því er getið er um í samningi þessum. Einnig fjármagna sveitarstjórnirnar öll búnaðarkaup og fjárfestingar.

Gildistími

8. gr.

Samningur þessi tekur gildi 1. nóvember 2006. Miða skal við að starfsemi hefjist samkvæmt nýjum samningi frá og með 1. janúar 2007.

Ný stjórn skal skipuð í beinu framhaldi af undirritun samningsins og hafa það verkefni að undirbúa starfsemi samlagsins með þeim hætti að starfsemin geti hafist eins og að framan greinir 1. janúar 2007. Kostnaður er hlýst af störfum stjórnarinnar á árinu 2006 greiðist sbr. 6. gr. samningsins hér að framan.

Ekki er hægt að segja upp einstökum þjónustubáttum án þess að segja upp samningnum í heild.

Samningurinn skal endurskoðast í lok fyrsta starfsár þ.e. um áramótin 2007/2008.

Samningsaðilar geta óskað endurskoðunar á samningnum eða sagt honum upp með minnst 12. mánaða fyrirvara. Þó eigi fyrr en að afloknu fyrsta starfsári.

Meðferð ágreiningsmála

9. gr.

Rísi ágreiningur vegna samnings þessa skulu aðilar reyna sættir, en reynist nauðsynlegt að reka mál vegna samningsins skal það rekið fyrir héraðsdómi Austurlands, Egilsstöðum.

Þessu til staðfestu undirrita aðilar samkomulag þetta í viðurvist vitundarvotta.

3. nóvember 2006

F.h. Fljótsdalshéraðs

F.h. Fljótsdalshrepps

F.h. Borgarfjarðarhrepps

F.h. Vopnafjarðarhrepps

F.h. Djúpavogshrepps

Vottar að rétttri dags.,
fjárræði og undirskrift
aðila:
